



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-333-3/26**
Datum: **19.08.2026. godine**

«Agencija za vodno područje rijeke Save» Sarajevo rješavajući po zahtjevu Investitora „A.M. NIŠIĆI“ d.o.o. iz Ilijaša, za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta farme za tov pilića u naselju Nišići, općina Ilijaš, na osnovu člana 109. stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj dozvoli**

1. Investitoru „A.M. NIŠIĆI“ d.o.o. iz Ilijaša daje se vodna dozvola za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta farme za tov pilića, kapaciteta 40.000 pilića/turnus, izgrađenog na lokalitetu Nišići u naselju Zlotege, na zemljištu označenom kao k.č. broj: 1161 K.O. Nišići, Općina Ilijaš.
2. Vodna dozvola se daje na osnovu pregleda dostavljene dokumentacije, uviđaja na objektu, utvrđenog činjeničnog stanja i uz sljedeće uslove:
 - 2.1. Da se upotreba i korištenje predmetnog objekta farme za uzgoj peradi vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 2.2. Da se otpadne vode koje nastaju u toku pranja objekata farme nakon završenog turnusa, prikupljaju u sabirnoj/osočnoj jami bez ispusta koja se povremeno čisti.
 - 2.3. Da se objekti čija je svrha odvođenje i prikupljanje otpadnih voda redovno održavaju i koriste na način koji će obezbijediti njihovu potpunu ispravnost i funkcionalnost.
 - 2.4. Čišćenje i pražnjenje vodonepropusne sabirne jame bez preljeva, može vršiti isključivo firma ovlaštena za tu vrstu djelatnosti, prema posebnom ugovoru.
 - 2.5. Da se obavezno praktikuje suho čišćenje objekata prije pranja vodom, da bi se uklonile organske nečistoće sa radnih površina, trošilo manje vode za pranje i time smanjilo zagađenje u otpadnim vodama.
 - 2.6. Da se spriječi nekontrolisano rasipanje tečnog i krutog otpada po okolnom zemljištu te da se aplikacija đubriva na poljoprivredne površine vrši u skladu sa pravilima dobre poljoprivredne prakse i van područja vodnog dobra i zona sanitarne zaštite izvorišta vode za piće, a u cilju zaštite površinskih i podzemnih voda.
 - 2.7. Da se privremeno i trajno zbrinjavanje otpada od uginulih pilića i drugih nusproizvoda vrši u skladu sa Zakonom o veterinarstvu, Pravilnikom o načinu postupanja sa životinjskim lešinama i otpadom životinjskog porijekla i propisima iz oblasti zaštite okoliša, a u cilju zaštite voda, tla, zraka i dr.
 - 2.8. Vlasnik odnosno korisnik kompleksa objekata je obavezan pridržavati se svih mjera i uslova, propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
 - 2.9. Ne dozvoljava se odlaganje na otvorenom prostoru i unošenje opasnog i neopasnog otpada, koji nastaje kao nusprodukt u procesu rada farme, u vodotoke i obale rijeka, odnosno na zemljišne čestice označene kao «vodno dobro».
3. Vlasnik, odnosno korisnik kompleksa objekata je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opće vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1., Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, tačka 16.

tabele, te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.

4. U periodu važenja ove dozvole, Korisnik je dužan provoditi sve mjere i aktivnosti propisane istom.
5. U slučaju vanrednih situacija, havarijskih onečišćenja i drugih sličnih okolnosti čime bi bio ugrožen kvalitet voda obavezno izvijestiti nadležne organe i postupati po nalogu mjerodavnih institucija te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu obuhvaćenom ovom vodnom dozvolom, korisnik zaštitnih vodnih objekata nije odgovoran za nastale štete.
7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
8. Ukoliko prilikom upotrebe predmetnog objekta za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.
9. U ovoj upravnoj stvari plaćene su sve upravne takse.
10. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog Rješenja.
11. Prije isteka važnosti ove dozvole, korisnik je dužan da podnese zahtjev za izdavanje nove vodne dozvole.
12. Ovo rješenje o vodnoj dozvoli može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Investitor „A.M. NIŠIĆI“ d.o.o. iz Ilijaša, dana 09.07.2026. godine, podnio je zahtjev za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada farme za uzgoj peradi kapaciteta 40.000 pilića po turnusu, izgrađenog na lokalitetu Nišići u naselju Zlotege, na zemljištu označenom kao k.č. broj: 1161 K.O. Nišići, Općina Ilijaš.

U provedenom postupku dostavljena je i pregledana sljedeća dokumentacija:

- Dokaz o uplaćenju upravnoj taksi
- Ovjerena kopija Aktuelnog izvoda iz sudskog registra broj: 065-0-RegZ-26-007646 od 10.06.2026. godine izdat od strane Općinskog suda u Sarajevu;
- Ovjerena kopija Uvjerenja o poreznoj registraciji izdato 28.01.2010. godine od strane Porezne uprave Federacije BiH-Kantonalni porezni ured Tuzla;
- Ovjerena kopija Obavještenja o razvrstavanju pravnog lica prema klasifikaciji djelatnosti broj: 07-32.5-93678/20, od 15.01.2020. godine izdato od strane Službe za statistiku za područje KS;
- Ovjerena kopija uvjerenja o registraciji poreznog obveznika od 11.09.2020. godine, izdato od strane Kantonalnog poreznog ureda Sarajevo, Porezna uprava FBiH;
- Kopija Rješenja o odobrenju za građenje za izgradnju potkrovlja gospodarskog objekta za tov brojlera broj: 05/1-23-717/15 od 17.04.2015. godine, izdato od strane Službe za prostorno uređenje i stambeno-komunalne poslove, Općina Ilijaš;
- Kopija Rješenja o odobrenju za građenje za izgradnju prizemnog dijela gospodarskog objekta za tov brojlera broj: 05/1-23-2498/14 od 25.09.2014. godine, izdato od strane Službe za prostorno uređenje i stambeno-komunalne poslove, Općina Ilijaš;
- Laboratorijski izvještaj o mjeranju emisije zagađujućih materija u zrak za „A.M. Nišići d.o.o. Ilijaš“ broj:299/25 od 13.08.2025. godine, urađen od strane „Inspekt RGH“ d.o.o. Sarajevo;
- Glavni projekat vanjskih hidroinstalacija ispuštanja tehnoloških (industrijskih) otpadnih voda broj: 46-IB-G/14 od VII/2014. godine, urađen od strane IBIS d.o.o. Zavidovići;

Tokom uviđaja preuzeta je sljedeća dokumentacija:

- Glavni projekat hidrotehničkih instalacija, urađen od strane CITADELA d.o.o., august 2025. godine;
- Izvedeni projekat vanjske hidroinstalacije, urađen od strane „PERSPEKTIVA INŽENJERING“ d.o.o., april 2021. godine;

- Konačni izvještaj o izvršenoj reviziji projektne dokumentacije, urađen od strane ENCOS d.o.o. Sarajevo, april 2021. godine;
- Kopija Ugovora o izvođenju radova broj: 750/23-DS zaključen između A.M. NISICI d.o.o. i „DELTA PETROL“ Kakanj d.o.o.;
- Kopija Otpremnice broj 003236-1 od 26.09.2025. godine;
- Kopija Radnog naloga na terenu br: 21/09/ 25 od DELTA PETROL d.o.o. Kakanj;
- Kopija Rješenja okolinske dozvole broj: 05.03/2-19-14621/23 od 01.09.2025. godine, izdatog od strane Ministarstva komunalne privrede, infrastrukture, prostornog uređenja, građenja i zaštite okoliša KS;

U skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnog objekta na lokalitetu Nišića, Općina Ilijaš i tom prilikom je sačinjen Zapisnik o uviđaju broj: UP-1/21-3-40-333-2/26 od 07.08.2026. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

- Za predmetnu farmu, ranije je od strane Agencije izdato Rješenje o vodnoj dozvoli broj: UP-I/25-3-40-285-4/21 izdato dana 05.08.2021. godine. U toku uviđaja utvrđeno je da je došlo do povećanja kapaciteta sa 30.000 na 40.000 pilića po turnusu. Za navedenu promjenu su pribavljene dozvole i izrađena odgovarajuća dokumentacija.
- Predmetni objekat Farme za tov pilića smješten je na lokalitetu Nišići u naselju Zlotege, Općina Ilijaš. Farma se sastoji od jednog objekta spratnosti P+1. Objekat farme je smješten uz lokalni put izdvojen od naselja.
- Otpadne vode koje nastaju od pranja objekta nakon završenog turnusa prikupljaju se sistemom slivnika u objektu i kanalizacione mreže te odvođe do vodonepropusne armirano-betonske sabirne/osočne jame bez preljeva koja se čisti od strane firme „DELTA PETROL“ d.o.o. Kakanj.
- Snabdijevanje vodom za sanitarne potrebe vrši se iz gradskog vodovoda kojim upravlja JKP „VODOSTAN“ d.o.o. Ilijaš. Sanitarno fekalne vode iz sanitarnog čvora za uposlenike prikupljaju se zasebnom kanalizacionom mrežom te odvođe u septičku jamu bez preljeva.
- Oborinske vode s krova objekta prikupljaju se zasebnim kanalizacionim sistemom sa ispustom u upojni bunar.

Razmatrajući podneseni zahtjev, a na osnovu dostavljene dokumentacije i uviđaja izvršenog na predmetnom lokalitetu, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom, u tački 2. dispozitiva Rješenja, propisani uslovi u skladu sa članovima 115. do 118. Zakona o vodama («Službene novine Federacije BiH», broj 70/06) i članom 12. i 13. Pravilnika o sadržaju, obliku, uslovima, načinu izdavanja i čuvanja vodnih akata.

Tačka 3. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11 i 88/12) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Na osnovu provedenog postupka konstatuje se da je Investitor «A.M. Nišići» d.o.o. ispunio minimum uslova za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada farme za uzgoj peradi kapaciteta 40.000 pilića po turnusu, izgrađenog u Nišićima, na zemljištu označenom kao k.č. broj: 1161 K.O. Nišići, Općina Ilijaš, te je riješeno kao u dispozitivu ovog Rješenja.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta:

Senida Džajić-Rghei, dipl.inž.građ.

Po ovlaštenju
Rukovodilac sektora za izdavanje vodnih akata



Nihad Pezo, dipl.inž.građ.

PRILOG:

- Glavni projekat vanjskih hidroinstalacija ispuštanja tehnoloških (industrijskih) otpadnih voda broj: 46-IB-G/14 od VII/2014. godine, urađen od strane IBIS d.o.o. Zavidovići;
- Glavni projekat hidrotehničkih instalacija, urađen od strane CITADELA d.o.o., august 2025. godine;
- Izvedeni projekat vanjske hidroinstalacije, urađen od strane „PERSPEKTIVA INŽENJERING“ d.o.o., april 2021. godine;
- Konačni izvještaj o izvršenoj reviziji projektne dokumentacije, urađen od strane ENCOS d.o.o. Sarajevo, april 2021. godine.

Dostaviti:

- „A.M. Nišići“ Zlotege 2, 71380 Ilijaš (PRILOG)
- AVP Sava, ISV-vodna knjiga
- Sektor 50
- Sektor 40 – arhiva
- Oglasna ploča – AVP Sava